

Since : 1986

SALEMTHAR

TKP THUTIAM

Krista leh Kohhran tan,
Ka chakna Isua Krista chu ring tlatin nitin
Pathian ka pawl ang a; Kan kohhran
Pathian biakna leh hnathawhnaah ka tel zel ang.
Khawtlang Thatna leh in unauna tinghet
turin ka thawk ang a. Krista hnenah
midangte hruai ka tum tlat ang.



TKP DIN CHHAN

Thalaite hi:

1. Kristian tha tak ni tura buatsaih.
2. Krista leh Kohhran tana thawk tura buatsaih.
3. Khawtlang tana mi tangkai ni tura fuih leh kaihhruai.
4. Pathian ram zau nan a inhmantir.

“Lalpa lo kalna chu a hnai tawh si a” Jakoba 5:8

Vol: XXXIX Issue No - 39 SALEMTHAR PATHIANNI 19th OCTOBER 2025 Phek khat-na

Kan tih makmawh - Environment humhalh

- Rev. Lianchhunga Khiangte

Khawvêl hian a ni têlin lum lam a pan zêl a, tuifinriat chîm chin sâng zêlin khaw tam tak a hnawt tiau va, chutih laiin tuihna ten kiam lam an pan zêl a, tui thianghlim kan tlachham mêk lawi si! Boruak a bawlhhlawh a, lei chunglang hâng pawh tûr (chemical) chi hrang hrang hmangin kan tibawhlawh mêk a ni. Nungcha tam tak an chimang tawh a; mi thiamte chhût lâwk dân chuan tûn anga kan khawvêl hian chhiat lam a pan zêl chuan kum 2050-ah meuh chuan tûna nungcha awm mêk zaa sawmthum (30%) hi chu an mang hlauh tawh ang. Nang leh kei hian thilsiamte humhalh kawngah mawhphurhna lian tak kan nei a ni. Hetiangin a chhan kawng hrang hrangin sawi ila:

1. Thilsiamte hi Pathian duhlaite an ni.

Genesis-ah thil siam thu kan hmu a. Pathian chuan a thil siamte chu a en a, tha a ti êm êm hlawm a ni tih a lang. Tin, a siam zawh khân hnuchhawnnin a thlahthlam nghâl mai lo va, enkawlin a châwm zui zâwk a ni. Hei hi kan Lal Isua ngei hian a sawi Chianghle. Savâte a châwm a (Mt. 6:26), ram tûktinpârte pawh a chei a (Mt. 6:30), Chawngzawng pakhat pawh a thu lovin leiah a tla lo a ni (Mt. 10:29). Amah chu thawhpui a, thilsiamte enkawl hna, mawhphurhna sâng tak chu Pathianin min bah a ni (Gen.1:28).

2. Pathian mite hmaah thilsiamten zalênna an chang thîn.

A siamtu Pathian thinlunga an len ang chiahin thilsiamte hian Pathian fate thinlungah hmun an chang tlat thîn. Pu Chawngkhupa khân luia mi aiâwt chiaha chakai lo tla a han hmu chu a lainat êm êm mai a, “Saltâng chhuahna Jubili” ti chungin a chhuah hem hem mai a ni an ti. Tirhkoh Mankima pawh kha thuhrihla a vahna khaw pakhat a thlen in nu chuan a fate Tuaingâwt a rawn hawnsak a. A ke hmâwr hriam chin ulh bung veka khâwllaa an chaih chu a lo lainat êm êm mai hi a lo ni a. Zanriah an kîl a, tawngtai tûra an han sâwm chuan, “Aw Lalpa, he khawvêlah hian Tuaingâwt te nêh hian kan rûm tlâng a nih hi,” a ti e an ti! Nang pawh Kristaah chuan Pathian faa vuah i ni tawh a, thilsiamte laka i mawhphurhna kha hre reng ang che. Thil siam zawng zawngte chuan beisei êm êmin, Pathian fâte lo lanna chu an nghâkhlel hle si a (Rom 8:19).

(Phek 2 na ah Chhunzawm a ni)



HUN CHANGTU TURTE

Pathianni Zing (9:45 AM)
NEICC Day of Prayer

Hruaitu : Upa Ngentluanga
Thupuan : Secretary
Zaipawl : Standing choir
Thuchah : NEICC atangin

Pathianni Zan (6:30PM)

Hruaitu : Upa PC. Lallianzara
Group Zai : BKHP Group Zai
Thuchah : Upa K. Kaphranga
Nilai Zan : Upa C. Challianbuanga
Inrinni Zan : Upa T. Lalzika



ZING TAWNGTAI INKHAWM

HURAITU TURTE

Tan hun : Dar 5:15 AM

Dt 20.10.2025 - Pi. Sangkimi
Dt 21.10.2025 - Pu H. Lalrammawia
Dt 22.10.2025 - Pi C. Zokhumi
Dt 23.10.2025 - Pi. V. Lalrinthangi
Dt 24.10.2025 - Pi. PC. Lalnunmawii
Dt 25.10.2025 - Pi Ramthanzuali
Dt 26.10.2025 - Upa. JC. Thangvuana

SUNDAY SCHOOL REPORT

Dt 12.10. 2025 SUNDAY SCHOOL REPORT			
PAWL HMING	HMING ZIAK ZAT	KAI ZAT	KAI LO
Senior 'B'	499	312	187
Senior 'A'	56	34	22
Intermediate	110	90	20
Baptistma	17	17	0
Junior	53	49	4
Primary	47	45	2
Beginner	35	31	4
Nursery	35	22	15
Puipate	68	62	9
TOTAL	920	662	258
Kai Percentage		71.95%	
Thawhlawm		9,310	
19 October 2025 Senior B			
Tantu	Tv. K. Lalrinkima		
Thuzir Hruaitu	Upa C. Lalhmingmuana		

(Sermon Chhonzawmna)

3. Kan Lalpa thupêk a ni.

Khawvêl zawng zawnga kal a, thil siam zawng zawng hnêna Chanchin Tha hril tûrin Lal Isuan thupêk ropui (The Great Commission) min pe a ni (Mk. 16:15). Chuvângin Chanchin Tha hi mihring, thlarau bote chauhvîn an mamawh a ni lo, thilsiam zawng zawng hian Chanchin Tha an dawng ve tur a ni. Amaherawhchu mihringte anga tawngkaa hrilh theih an ni lo va, duat taka enkawl leh humhalh tlatin an hnênah Chanchin Tha kan hril tûr a ni.

4. Khua leh tui tha kan nih avângin.

Pathian thu chuan kan chungarorêltute thu thua awm tûrin min zirtîr a (Rom 13:1). India ram te ang mipui rorêlna (Democracy) ramah hi chuan kan dânte hi thuneitu leh rorêltu a ni. India dânpuî (Constitution) chuan, "India khua leh tui zawng zawngte chuan kan chênna leilung leh a chhûnga ramngaw te, lui te, dîl te leh nungchâte chungah hmangaihna kan lantîr ngei ngei tûr a ni," a ti a. Environment humhalh tûrin min phût tlat a ni.

BKHP FELLOWSHIP PROGRAMME

Wawiin chawhnu Dar 1:30-ah MBKHP thuchhuah tawh kumin chhunga Zosap Missionary hmasa ber Sap Upa leh Pu Buanga chanchin BKHP tin ten zir tur a tih chu kan zir dawn a, member te kal theuh kan tum dawn nia.

Hruaitu : Pi. Lallawmthangi
Thuzir Hruaitu : Upa F. Lallianzara
(Senior Adviser)

TKP TAWNGTAI TLAIVAR

MTKP Rorel 2025 in kumin hian 'TKP ten thlaraubo man beihpui thlak' neih ni se ti a a lo rel tawh ang in, MTKP Executive Committee chuan Thlarau bo man beihpui pual tawngtai tlaivar hun atan Ni 19 October, 2025 (Pathianni Zan) a ruahman a. Kan unit pawn Pathianni zan zaikhawm banah biak inah neih tur a ni a. Tawngtai hi thawh 5 a neih tura ruahman a ni a, zing lam dar 5:00 ah tawpna siam a ni ang. Memberten ngaipawimawh ila, a tam thei ang ber kal turin kan insawm e.

1. Tawngtai thawh 1-na
Hruaitu : Pu. Lalsangliana Khiangte
2. Tawngtai thawh 2-na
Hruaitu : Nl ZD. Lalawmpuii
3. Tawngtai Thawh 3-na
Hruaitu : Tv R. Lalzuitluanga
4. Tawngtai Thawh 4-na
Hruaitu : Tv K. Lalrinkima
5. Tawngtai Thawh 5-na
Hruaitu : Pu Jeffrey Lalremruata
(V. President MTKP)

BMP INKHAWM PROGRAMME

A Hun : Dt 20/10/2025 (Dar 6:30 PM)
Hruaitu : Pu. C. Lalhmingthanga
Bible Chhiar : 1) Pu. C. Vanlalrema
2) Pu. K. Lalthanmawia
Thawhlawm khawntu :
1) Pu. Michael Lalpekhlu
2) Pu PC. Lalzarzova
Thupuan : Secretary
Group Zai : Harmony Of Praise
Tawngtai rual : Hruaitu
Thusawitu : Pu. K. Zohlunthanga
Khuangbengtu : Pu. F. Lalfela
Keyboardist : Pu. H. Lalrammawia
Hla hriltu : Pu. Lalramnghaka
Mike Operator : Pu. Lalrotluanga

ZAIKHAWM

Kohhranin a rel angin tun thla Pathianni zan inkhawm ban apiangin kohhran hote zaikhawmna neih thin tur a ni a, kohhran hoten i ngaipawimawh ang u.

Ni 19, October 2025

Zaikhawm hruaitu tur : Nl. MC. Lalhlimpuii

KNP FELLOWSHIP PROGRAMME

A hun : Dt 19 October, 2025 Dar 1:30 PM
A hmun : BCM Biak In, Salem
Hruaitu : Nl. Zonunmawii Pachuau
Tantu : Ruthi Malsawmzuali
Thawhlawm khawn turte :
1) Cutie Malsawmhlui Chinzah
2) Lalrinzuali Fanai
Hla Thlang : Malsawmdawngzela Pautu
Bible chhiar turte :
1) F. Lalrindiki
2) Stephen Malsawma Khiangte
Mal zai : Jonathan Lalnunzira
Group Zai : PC. Lalrindika leh a thiante
Thu Zir : Zirlai 10-na (Tv. HC. Lalrammawia)
Hla Zir : Conductor

TKP TLAI TAWNGTAI

Wawiin tlai Dar 5:30 hian TKP pumhuap tlai tawngtai neih tur a ni dawn a, member a thei a piang ngaipawimawh a, kal theuh turin kan in ngen e.

A hmun : BCM Biak In, Salem
Hruaitu : Tv. Vanlalruatfela

PANGPAR KHAWITUTE

Dt 19th October 2025
1. Nl. F. Lalsawmsangi
2. Nl. PC. Hmingthantluangi

